



Ալեքսանդր Ճատուրյան

Տարեմուտի երգերից

Ե՛կ, ընկե՛ր իմ, էլի՛ ասենք
Էս նոր-տարուն Նո՛ր բարև,
Էլի՛ հուսանք ու երազենք
Էս մութ օրին լո՛յս արև...

Հինը անցա՛վ, հինը գրնա՛ց...
Աստված անի՛ հե՛տ չըգա.
Մեր դարդերին նա խո՛ւլ մընաց,
Մեր ցավերին՝ լո՛ւտ վըկա...

Ամե՛ն ճամփորդ մութ գիշերին,
Ամե՛ն լողորդ ժանտ ծովում.
Իրան տված վառ հույսերին՝
Երազեն՛ր է միշտ շոյում...

Մե՛նք էլ, ընկե՛ր, արի՛ ասենք
Էս նոր-տարուն նո՛ր բարև,
Էլի՛ հուսանք ու երազե՛նք
Էս մութ օրին լո՛յս արև...